

晚

晴

移

詩

匯

晚晴移詩匯卷五十目錄

孔傳鐸 三首

高其佩 二首

高其位 二首

范承勳 二首

范承烈 三首

揆敘 五首

喻成龍 三首

曹寅 十六首

戴梓 三首

田肇麗 三首

江藻 一首

汪天與 五首

華藹 二首

方登嶧 二首

成文昭 九首

李興祖 二首

張霖 二首

劉廷璣 十一首

何林 二首

陳廷弼 二首

魏荔彤 二首

仇昌祚 一首

李鍾麟 二首

王煥 一首

張雲翼 八首

馬三奇 一首

洪斌 一首

管榆 十二首

馬庸德 三首

彭蠡 一首

周朱耒 一首

萬言 一首

王汝驤 一首

邵錫榮 一首

佟世思 三首

王典 二首

張柚雲 一首

李文秀 一首

孫芝蔚 一首

趙執端 二首

陶孚尹 六首

馬源 一首

王建衡 二首

曹耀珩 一首

舒芝生 一首

張橋恆 一首

劉獻一首

陸進二首

李天任三首

萬崇義一首

鍾元鉉一首

楊自牧四首

張之澄一首

卓爾堪五首

孔毓埏一首

曾衍櫛一首

仲承述一首

孟貞仁一首

東野沛然一首

傅仲辰一首

晚晴移詩匯卷五十

徐世昌

孔傳鐸字振路曲阜人襲封衍聖公有申椒盟鷗諸集

詩話振路早歲稱詩申椒盟鷗二集爲未襲封時所作有弔五人墓詩曰倡眾殲緄騎千秋義未伸由來誅亂賊焉用讀書人勝國山河改空祠俎豆新三良臨穴惴惴猶讓爾精神歸愚采入別裁第二聯曰由來殉義客何必讀書人頗爲世傳誦餘語亦有異同不知爲振路自定抑歸愚所點竄下語有分判實視原勝本爲

泮水

魯侯到今日不知幾千年宗社凡幾易城郭亦幾遷如何一曲水獨在城南偏昔人採芹藻今人來種蓮相彼蓮與芹同一水上鮮披襟歌魯頌物色固依然千乘時戾止車馬何駢闐嘉彼德音昭因之遺澤傳咄哉靈光殿漠漠生

荒煙

重刊先世北海集有述

曹瞞柄漢政劉氏頽三綱豈無名流士大雅皆淪亡遐哉  
管幼安阜帽去遼陽咄嗟華子魚末節何猖狂其餘建安  
子仁義志久荒草檄愈頭風借面以弔喪碌碌何足數誰  
爲聲價昂列祖北海公風厲不可當矯世敦古道獨論盛  
孝章觀其友禰生抱負豈尋常裸衣罵廣座搥鼓聲悲涼  
非公孰具眼彼此相激揚瞞也狐鼠儔公眞威鳳翔當其  
未遇害漢祚固無傷曹孔不兩立薰蕕互相妨惜平時不  
遇盡室竟罹殃太阿雖屈折不失爲至剛三復此遺編使  
我增慨慷斯文在異姓固當爲表彰況乃先世賢遺琴猶  
在堂梓之附家乘用戒永珍藏

望繹山

薄暮驅車過魯臺，鳬山青遠繹山來。  
地餘碑勒秦皇篆，天借桐爲禹貢材。  
萬石玲瓏堆洞壑，一松夭矯託雲雷。  
無由駐馬探奇勝，滿眼征塵首重回。

高其佩字韋之號且園，漢軍旗人，由知州官至都統。

詩話且園指畫奇情興趣爲世所重，張瓜田尤稱其筆畫之妙，要以神采機趣勝其述畫詩，自道所得也。

題畫贈僧

入歲風雪多，今始天宇晴。  
攜客叩禪關，曳杖溪上行。  
老鸛作寒語，野水迴春聲。  
灑墨寫幽抱，磊落抒平生。  
萬翠暗浮几，激射斜陽明。  
願爲山中人，薄田事躬耕。

述畫詩

吾畫以吾手，甲肉掌背俱手落。  
尙無物物成，手卻無人甫。

具兩睫便見雙瞳珠情性本萬殊所事因相符貴之料弗  
慕賤之甯受呼易老在用智不老緣其愚於我畫可見非  
我手可摹

高其位字宜之號韞園漢軍旗人襲二等輕車都尉官  
至文淵閣大學士諡文恪有韞園遺詩

自荆詣襄途次雜詠

霜林遙望燦瑤華紅樹依稀景倍加雙竹肩人添逸興淡  
煙疏雨付詩家

村舍隨緣十日留脩閒端不羨封侯雪泥鴻爪天涯路幾  
許閒情伴白鷗

范承勳字銘公漢軍旗人官至工部尙書

墨雨庵



夜掩柴扉偶誦經無端喚出古龍聽墨花飛處文章大寫  
向虛空字字靈

石香橋

紅是花光碧水光落花襯石石生香隔谿若有吹簫伴何  
必天台訪石梁

范承烈字彥公漢軍旗人官至戶部侍郎有雛鳳堂集  
夜甚寒曉後大風因憶家學士出獵未歸賦以誌懷  
永夜衾如鐵風寒天又明銀鐙收冷燄戍角帶邊聲獵馬  
馳何地荒煙繞暮城幾時圍校罷一望野雲平

九月菊下計友人去程

無限思君路漫漫秋水長幾時歸舊隱今日是重陽貧共  
漁家飲寒分楓岸霜臚搖背指處應念菊花黃

郭快庵太史齋聯有愛菊能將酒醉花之句足成近

體

落葉侵階日已斜閒披古史就窗紗開軒竟以竹爲友愛  
菊能將酒醉花栗里惟栽陶令柳青門孰種邵平瓜寒山  
幾點牛羊下老樹亭亭盡暮鴉

揆敘字凱功號惟實居士滿洲旗人蔭生由佐領官至

左都御史諡文端有益戒堂詩集

詩話凱功纓組承家篤尚風雅延查初白於邸第請  
受詩法集內詩多辨香初白才調雖亞於其兄容若  
亦一時之佳公子也

鷹坊歌和他山夫子

西郊天闊沙茫茫高槐古柳溪風涼地偏寂寞少人住但  
作甌脫供鷹坊中有海青最神俊竦立毛骨森昂藏金眸

玉爪異凡品下視哮虎如跛牂側眼似覺天地窄常思一  
舉摩穹蒼憶昔遼代最珍貴女真貢獻交相望搜求無厭  
旋致禍兩國轉眼悲興亡至今黑水留異種雕籠競致來  
遐方五陵年少頗好事愛玩豈惜千金償嗟汝生性特趨  
捷隼鶚未許隨肩行長緜羈紲豈初意歲月浸久成馴良  
關山秋暮盛羽獵商飈倒捲塵沙狂翻身直上入霄漢快  
若駿馬初脫韁駕鶩潛飛雉避雲羅萬里無遮防老拳  
勁翮奮搏擊風毛雨血齊飛揚天生羽族亦有命飢雀叫  
噪悲空倉林邊野鶴骨立瘦度腹僅得分餘糧爾形襍  
亦安用終朝肉食恆充腸人間生計總媿汝翻笑溪獺銜  
魚忙侏儒方朔異飢飽萬物榮悴真何常況今飛啄本同  
類強弱吞啖堪嗟傷何當忘機效海客驅逐猛摯延奇祥

羣飛眾動各適所丹山鸞鳳常游翔桐花搖落期不至老  
鴉攫肉紛路旁且隨韓嫣逐金彈排風毛質看騰驤

讀秋笳集有感卽效吳夫子體

開卷颯颯悲風生彷彿紙上聞笳聲楊朱自向歧路哭王  
粲豈免思家情弱齡文章超流輩洛下傳聞紙增貴嘉譽  
曾標三鳳凰就中季札尤稱最從來才命兩相妨矢水搏  
風豈有常未許扁舟歸鶴市翻教盡室竄龍荒骨肉流離  
滯邊徼混同江冷霜飛蚤亭伯空銜去國悲初明漫上通  
天表啗雪吞氈二十春飽經險阻歷艱辛鶯花尙憶江南  
月節序徒傷漠北人時時握管攄情素萬恨千愁此中露  
生還雖賦草堂詞旅夢猶驚甌脫路我昔從游騎竹年遺  
編展翫淚潛然休言塞外心顏苦剩有人間著作傳

清明日維揚舟中作

雨絲吹徧杏花風令節吳州插柳同

名勝志廣陵在後周爲吳州

十里

尋芳輪杜牧全家上塚羨龐公無邊麗景王程裏有限韶華客路中更喜前行煙月好輕帆明日過江東

宋中丞牧仲以宋本施註蘇詩見惠賦此奉謝

飛空仙人厭蓬壺遊戲下作眉山蘇興酣落筆有元氣迴幹造化吞江湖辭雄義密援據博讀者豈易探根株俗傳

王註多假託穿鑿附會欺庸愚吳興司諫扶天輿磨丹閉

戶窮朝哺景蕃該洽助商訂

陸放翁施註蘇詩序司諫公以絕識博學名天下又助之

以顧君景蕃之該洽

四十二卷同瑤瑜天荒地老歲華改鼠嚙蠹蝕

塵泥汙公安得此嘉泰本篇帙雖缺神敷腴殷勤補綴付

剗劂膏澤要使均沾濡獨留舊本自吟賞豈散鱗爪藏麗

珠忽然惠我意安在勉以文字相嬉娛嵇康疏懶學久廢  
往蹟尙可談其麤先生數奇困讒口備歷患難投艱虞遺  
文何罪遭禁錮良玉豈憚經洪爐甯期曠世有自己笠屐  
靜對真形圖中丞購得東坡先生笠屐圖自題其後寸縑尺蹠費拮据零落  
幸免拋榛蕪春風水國花事好輕舸遠涉東南隅新筇旣  
醉吳市酒異味行啖松江鱸更驚祕簡落吾手喜極不盡  
狂歌呼辱公期望恐難稱大愧識字耕田夫攜歸留作最  
後供古香繞座無時無

禾中留別竹垞先生得五百字

吾兄昔好客結識俱英賢就中公最親如影依形然每因  
儻直暇觴詠偕歡妍門前淦水亭亭外泊小船平池碧藻  
合高樹紅櫻懸仰窺城西山俯聽檻底泉有時把綵筆按

譜新詞填或撫姜白石或效張玉田有時作八分鸞鳳爭  
翔騫中郎及丞相屈強堪比肩晨游轡屢並暮宿牀必聯  
陽烏出復沒顧兔缺再圓相將移四序謂可終百年百年  
詎足保一旦忽棄捐伯兮既下世客散如雲煙公亦厭承  
明返棹駕湖邊湖寬百餘頃中有蒲與蓮宜晴復宜雨倒  
映東南天愁來卽泛艇興到或扣舷試哦康樂句空水共  
澄鮮頗諧物外好永謝區中緣先生問世才墳典咸貫穿  
發而爲文章力若橫海鱣上登最高峯下探不測淵賓筵  
列鐘鼎武庫羅戈鋌自從唐宋後繼震川荆川賦詩乃餘  
事精妙非刻鏤騰軒駕天馬追逐飛空仙歌吟窮乃工著  
述老愈專源流考經籍鄭馬爭後先降及有明詩搜輯一  
代全又曾集舊聞析木窮星躔囊中每攜此山川載圖編

偶然披卷看  
在越如在燕  
劉侗應避席

明麻城劉侗撰  
帝京景物略

何

況儕輩焉我生苦失學丹黃乏磨研塵埃困趨走歲月驚  
推遷常思聽公語坐使美疢痊前年寓金閶樽酒虛招延  
先生來叩門剝啄驚晝眠舊聲尙能識但益毛髮宣話予  
幼時事歷歷皆眼前揮毫書短筵綴以詩四篇熒煌燦珠  
貝馥郁堆蘭荃離居幾何時遽若脫矢弦今年思久聚別  
袂翻難牽秀州樹叢叢河水鳴濺濺此時與君別悵快心  
如煎乖違知不免會合期恐愆江干倘相憶毋吝魚書傳  
喻成龍字武功漢軍旗人蔭生由知縣官至湖廣總督  
有塞上集

紫霞關

蒼翠落層巖高原失炎暑鬱紆望煙霞盤旋無處所危巢



迹樵蹤深林聞人語蕭瑟吹山風落花紅寸許

暮春登銅陵天王山

攜筇來北郭覽勝正酣游山靜情疑古松聲冷欲秋野花  
隨地發江水到門流雨歇荒原暮平田起白鷗

聞笛

夢裏悠揚橫笛聲高天露下共淒清愁來江漢人何處望  
裏關山月倍明萬里孤雲隨絕漠十年羸馬更長征誰知  
一曲終宵怨霜雪無端兩鬢生

曹寅字子清號棟亭漢軍旗人歷官通政使兩淮鹽政

有棟亭詩鈔

詩話棟亭當康熙全盛之時尙衣冠推人駐江淮風  
雅好事富有藏書尤多鈔本校刊諸書皆精美想見  
承平盛事詩出入唐宋鋒穎森然而有事外遠致竹  
垞稱其博綜羣書練習掌故又熟於詩派多師以爲

師非虛  
譽也

坐宏濟石壁下及暮而去

我有千里游愛此一片石徘徊不能去川原俄向夕浮光  
自容與天風鼓空碧露坐聞遙鐘冥心寄飛翮

曉游潭柘寺

諸峯雲未開前途馬已驚逡巡飯行人縱覽忘深夏幽光  
蒙青林輕陰散丹榭古跡不可追依稀見殘栢坐聞流泉  
哀百折空亭下

不寐

月落林屋暗寒鐙耿幽光鄰雞私呷喔冰聲裂方塘既醉  
復思夢神清愁亦忘曉車如秋潮雷鳴過空堂塵役苦無  
厭俯躬自徬徨

古北口中秋

山蒼水白卧牛城三尺黃旗萬馬鳴  
半夜澶州看秋月河山表裏更分明

菜花歌

吳中菜花天下無平疇照耀黃金鋪  
朝陽夕陽幾百里惟賸白水連青蕪  
四月吳中春始足四郊花氣穿城瀆  
平分千巷畫船閒農家兒女無拘束  
農家兒女飯出游踏歌不出畦兩頭  
頭蠶繰絲二麥穗油菜結子柔桑抽  
勸農使者停征稅廳前畫諾花前醉  
水曹散吏舊期門也騎細馬傍山村  
君不見他鄉井徑無尋處春風遠拓  
黃花戍含哺鼓腹只吳儂菜花中朝  
菜花暮

雨霽過滄浪亭遲悔庵先生不至和壁間漫堂中丞

韻

嶺略南禪茗一杯滄浪亭上步紆迴野雲閣雨都乘趣亂  
石分崎自起堆士女閑拋寒食過郎官游及菜花開赤欄  
晚晚添春漲鼓角頻疑小隊來

題畫有感

蘆花楓葉誰能詠落木飛鴻漫乞詩一段寒江魚網水空  
簾看到日斜時

格是欲歸歸未得還堪作想想難憑平生下筆持公論干  
古風流張季鷹

惠山納涼

柳上一蟬鳴不已柳下迴風激流水老僧掃石待清眠勸  
客睡心先睡耳我耳初離市朝語喜聽清商變繁徵九龍

會意散煙鬟，傅翠揚顰三十里。詎識塵埃裊襪子，機礪炙  
熱爭餘滓。面具衣裝弄假人，號是裸民應未恥。張腋無汗  
顙無泚，前山落日波純紫。臨風叩齒漱寒泉，今夜移船太湖  
尾。

讀洪昉思稗畦行卷感贈兼寄趙秋谷宮贊

惆悵江關白髮生，斷雲零雁各淒清。稱心歲月荒唐過，垂  
老文章恐懼成。禮法誰嘗輕阮籍，窮愁天亦厚虞卿。縱橫  
捭闔人間世，只此能消萬古情。

孟秋偕靜夫子魚尊五股六過雞鳴寺

遂有尋詩侶，青林引興前。僧荒太平日，地創永康年。香際  
憑高鳥，湖風浴早蓮。悠然坐蕭遠，煙雨閱諸天。

鸚鵡飛十代，秋草屬前朝。聖蛻隨遷化，凡情墮寂寥。頽城

疑護隸老樹強題蕭洵瀝河沙在能忘爪髮銷  
睡足平生事山窗絕見聞孤筇臨別路萬竹倚斜曛白業  
雙林靜青溪一曲分應披精進鎧長此卻魔軍

署樓寓目

頓邱柳色亂煙鬟胥浦漁帆杳靄間殘日一輝終戀水奇  
雲百變不成山羣飛鳬鳴迎潮去結隊蜻蜓送雨還好倩  
長風掃晴翠緩扶明月下銀灣

題啟南先生莫斫銅雀硯圖

未央宮中一尺瓦不知遺恨漳河下錫花雷布誰作模鴛  
央離合無真假阿瞞心雄天厭足平生只欠西陵哭飛來  
銅雀亦辜恩可憐難覆如花肉與奸作瓦罪莫辭與人作  
硯遭磷淄粉身何惜鹿盧碎渴筆恐辱屠沽兒隱君正史

先救硯麟經獨炳丹青傳君不見瓊林寶藏無不收王莽之頭斬蛇劍

西軒納涼口號效誠齋體

滲綠鎔金素壁開長廊午後好徘徊明知不藉西風力橫被高梧蠶斷來

戴梓字文開仁和人署監軍道授翰林院侍講有耕煙

草堂詩鈔

出獄口占

已解囹圄困翻生離別傷遙憑南去雁不死慰高堂

老母時在

揚州

題山樵疊障圖

每到臨池憶舊游筆端髣髴楚山秋汨羅水急人何處巫

峽雲深雨未收拔地層巒猿叫嘯參天古木鳥鉤輈十年  
不到空衰鬢孤負江干舊酒樓

游復園觀海

曉風吹薄袂斜日到高堂門柳千章翠籬花一徑香怒潮  
歸海舶黑蜃隱扶桑天水茫無際南雲是故鄉

田肇麗字念始號蒼厓德州人官戶部郎中有有懷堂

詩集

詩話蒼厓山薑侍郎子也爲戶部郎康熙五十年監  
倉始兼命漢官蒼厓得富新倉鉤稽謹密夙弊一清  
旋以病告歸泰陵在潛邸嘗被命督察知其廉嘗  
詢疆吏命送部引見蒼厓已病不能起賦詩紀恩遇

秋日雜詩

老樹間柴門端居閱秋序意象日疏豁露繁草半俯扶杖  
繞階除苔淨綠可數孤雲覘我暇紛紛來庭戶黃綠蓼花



前悅此好情緒檐鵲夕聲喧新月已遙吐

秋夜不能寐況是瀟瀟雨滴瀝聲未歇唧唧蛩音縷輾轉  
聽蕭瑟苦憶東坡語老淚來何從殘夢去無緒數漏懷遠  
人落帆在何許

讀陶靖節傳有感

摔兀窮廬酒一樽歸來松菊幸猶存沈吟獨怪柴桑老敢  
向人間說閉門

江藻字用侯號魚依漢陽人歷官工部郎中有陶然亭  
詩草巖泉一勺集

詩話魚依初牧龍巖擢工部郎中充寧廠監督見南  
廠有慈悲庵庵西陂池水草極望清幽因構亭於其  
側用樂天一醉一陶然語書榜懸楣是歲爲康熙乙  
亥自是遂爲城南游讌勝地乾嘉以後名人集中往往  
往有題詠至今二百餘年春秋佳日登臨憑眺蓋猶  
未替魚依題詩未免冗弱過而存之俾續考日下舊

聞者有  
所徵焉

陶然亭

家世結廬江漢上黃鵠溪頭獨來往一朝作吏去鄉邦閩  
海溟雲歎鞅掌卻辭五馬入皇都手板鑪香畫省趨敢謂  
詩人例水部欣當盛世分工虞晨光到署荷同輩清漏入  
朝聯友于心閒恆看紫塞雁身勤慣聽城頭烏薦達頻加  
思效職列廠縱橫辨埏埴庀材鳩工古所重和土鈞泥今  
倍力紛劇甯教阻靜便聊尋丈室學安禪繩牀櫻拂依初  
地粥鼓鐘魚響梵天每憩西偏意疏豁遙峯爽氣當吾前  
帝城近抱若几案方塘碧水淼淼泉憑高俯瞰百里內南  
山一帶相鉤連於茲卜築頗軒敞風光澄淡景物妍鑿基  
列砌不數武架楹覆瓦期牢堅結構雖微可乘興槐眉小

署名陶然自春徂夏頻來此佇立晴簷還隱几蒹葭搖曳  
出人家鷗鷺蹁躚下池水涼宵千頃霽月明霜天萬竈寒  
煙起三時眺望盡有得老樹寺門閒徙倚綠野平泉總莫  
論一邱一壑茲焉是游寓方當輦轂下跣趺直在祇園裏  
諸公攜酒肯經過觴詠相將俱色喜我生懷抱本陶然坐  
卧其間亦足矣九衢車馬日紛馳誰信鷓鴣寄一枝他年  
縱與京塵遠尙想西山拄笏時

汪天與字蒼孚號畏齋儀徵籍歙縣人歷官刑部郎中  
有沐青樓集

### 游黃山

已買富春舟帆挂漁梁下欲去橈忽停且命山中駕山僧  
昨夜來爲道山靈訝如何獨我遺詎待畢婚嫁清淨債須

償曷不十日假一路涼風生山深豈知夏時雨慰三農高  
低看穠稔村雞雲中鳴飛泉樹杪瀉升高白雲嶺步步穿  
石罅百里山程遙楊川連洽舍人家如絡繹著姓惟蔣謝  
伊昔我先公外氏締姻婭猗中此地開先司馬南明公著書處名曰猗中  
文壇擅無亞賓從日如雲游賞恆卜夜我來覓前蹤蒿萊  
沒臺榭石梁壞何年雙溪獨木架病涉漲偏多行人每舌  
昨長者誰捐金飛虹復將跨雙溪石梁傾圯今行僧佛嶺行僧募修將成  
徒知我遠相迂爲言程已半明日到猶暇山蔬供飽餐一

楊禪房偈

侵晨宿雨收煙雲生馬首輕風拂面來繞足清泉走萬山  
亂縱橫忽覩雲門陡華表雙撐天聳峭得未有青鸞與蓮  
花次第雲中剖似見浮邱公遙遙爲招手從茲入仙境十

步聲礪九俗駕期不來何用猛虎守一泓湯泉清容我滌  
塵垢水從地底溫物理可格否山僧持茗來迂我意良厚  
祥符雖古剎徘徊未能久鼓勇陟慈光宵深摘星斗

灌木常陰森香風吹不住言尋桃花源浮溪石橋度狎浪  
閣飛鸞正砥飛濤怒照影白龍潭毛髮紛無數汗流忽起  
粟盛暑怯凝洹勿謂龍貪眠時有白雲護拄杖沿谿行不  
知日云暮

### 西海門

鳥道直穿雲不假盤旋上有時膝代足手捫那容杖目眩  
怯回頭坐穩時一放精神猶惚恍心胸爲滌盪力竭到峯  
顛平衍神忽王亟趨西海門路轉光明藏千峯劃然開紫  
翠呈萬狀夕陽在西麓倒射芙蓉帳攀衣叩巨靈仙窟何

年創亂石插碧霄玉屏列丹嶂雲巒一萬重三神山在望  
安得躡仙蹤且快茲游壯

穿鼇魚洞渡蓮花溝上文殊頂

巨鼇潛海中何年此遷播古洞恆陰森屏息不敢唾僂僂  
穿脅出延緣捫脊過眼前一松橫根嵌石壁破徑度蓮花  
溝心膽寒無那懸厓如泛虛股栗神已愜每涉懼不測回  
頭凜相賀初聞笑語喧漸覺聲不作降若探龍淵陟如轉  
蟻磨九地升九霄始達獅子座蓮花入雲開蓮蕊日以大  
迎送松依然澗底龍猶卧至此筋力疲藉草一少坐厯厯  
憶生平乃慣經坎珂

華藹字吉人號龍山浙江甯海人貢生厯官刑部員外

郎有龍山詩集

老僧歷言往事述以誌感並有贈言

山中老僧年近百相遇能將禮數執高談竟日可忘機倚  
杖臨風面山立數十年中世事移歷歷言之非勦襲守邊  
將帥少生還姓名屈指猶記憶此地由來民力艱離亂兵  
荒偏不一山川如故生靈希感慨當年猶戰惕於今已歷  
五十秋邊方約略烽煙熄流光一逝不復還追思往事堪  
悲泣老僧只在此山中一塢白雲伴枯寂長安多少美王  
孫風采豪華如結習宦海茫茫未可知人心大半多荆棘  
何如野衲長幽棲不是枯魚慎出入

工所卽事

蒙安陵寢也鴉步步行也木克水也阿林山也威勒成造也俱清語

蒙安供董率鴉步共追陪天際風花合山腰龍窟開工期  
歲月積俗吏斗筭材落日歸旗子鳴雞喚小催鑼敲夫上

檣柳擊匠登臺地勢憑穿蓬宮門任往來旁聲震空谷鋤  
隙及荒峒日色凝黃瓦雲光映白灰跨車推餉食驛馬送  
銀枚木克飛晴練阿林結翠堆何時威勒竣不必陟崔嵬  
方登嶧字鳧宗號屏垢桐城人貢生官工部主事有依

園詩略垢硯吟墨硯齋存稟葆素齋集如是齋集

詩話鳧宗爲坦庵詹事孫樓岡學士子嗣從父兆及  
後高門家學早負詩名樓岡身後遭文字之禍全家  
徙塞上方氏至此已再徙矣鳧宗謫居中  
不廢吟詠古詩得樂府神理七律亦雅健

端州采硯行

紫雲硯采端州畔端州城峙牂牁岸峽束羚羊復北趨十  
里青山聳天半山腰有穴僅容人山腳端溪流泚泚溪源  
暗與穴凹通積水灌中泥不嘆瓠畧往汲如傳杯水枯石  
出寒雲散豚膏然紙匍匐行旭日無光曉不旦俯身直入



中漸寬東西中洞三塗判西洞望之皆卻足剗鑿傷厓厓

欲斷中洞東洞半里穿巖壁嶙峋起玉案上巖石質豔且

純馬肝色比朝霞燦質潤色青分中巖不及下巖居其冠

微白冉冉淡秋光撫手摩之生石汗石髓精華結淵底生

成獨與水為伴七暈九暈鸛鵒睛微塵細藻秋花亂或五

暈或七暈九暈暈數有奇而無偶有暈無睛者謂之死眼

有睛若潰者謂之淚眼黃白色者鴉眼長者象眼圓而綠

日青花二者惟下巖硯備之餘皆無欲散不散氤氲生豆

虹氣聚黃龍貫石紋有黃而長互蕉葉凝脂鱣血紅雀點

斑斑瀝墨翰白而潤者曰蕉葉白旁色赭者曰細栗丹砂

玉帶長緣勻翡翠苔花曼紅若栗者曰玉帶凝綠若灑汁

者曰奔為火捺聚金錢絳雲割取分霄漢紫氣奔而散者

圓若輪者水衝石蝕蟲齧餘黃金細縷添宮綫石闕盤旋

日金錢

日蟲虻紋黃龍之細若縷曰金錢

三巖辨色色不同璽瑕無掩瑩光而朝

天巖產阿婆灘硬柯易素玫瑰街

朝天巖阿婆灘皆產石亦佳易與水巖混

坑北嶺屏風山披離敗錦松紋見

石或紅白模糊如敗錦

或間道如松紋下品也

宣厓虎患采者稀坑遠梅花質尤賤

宣厓在屏風

山半宣德年所開品居朝天巖上而不及水巖梅花坑去

下者什襲琉璃百硯充不及水巖餘一片香山宰相

粵制府成

吳伯前後開巖相繼武鉤索不惜捐千金尺寸藍

田雜砌怒日役黃岡數十人

黃岡去端州十里村人取硯爲生此硯數也胥吏

督程運斤斧匪好獻醜工師情荆璞由來能預剖迂性生

平有硯癖操舟三泊黃岡浦比戶千家琢石聲村民恃此

充羹釜購得下巖六寸餘五星灼耀東南聚色和容暝融

春膏昭儀臂滑羅襦舞瑩潔神凝太液冰生氣濛濛時欲

雨縋縉十重等鴻寶磨礱搜輯心良苦產者無多購者多  
山靈側耳聽我歌硯兮硯兮慎所擇須向石渠虎觀揮毫  
馳騁帝王側否則窮深山游大澤枕圖書而倚巖阿供高  
人文士淋漓紛葩之筆墨毋入富豪叢毋使市兒竊終古  
風塵埋玉玦硯兮硯兮生莫竭常使霄漢之間饒奇物待  
我他年此地續舊游買船載石神術移山向吳越

姪莊攜何陋居集甦庵集詩讀之感賦

五十年前罹禍日征車行後我生時豈知今日投荒眼又  
讀先人出塞詩久遠孫謀文字累蒼茫天意始終疑攜來  
笑爾非無意似此生還亦有期

成文昭字周卜號過村又號鈍農大名人候選主事有

暮觴集

詩話周卜生長貴盛纖瘦類山澤癯嘗從田山蕭雲  
問詩法其詩壯偉跌宕以韓蘇爲宗而七古尤與東  
坡爲近紅豆樹館詩話稱其開闢變化自成一家言  
無儀形飾貌依傍新城門戶之習未始非豪傑之士  
性好名山山水又喜從賢士大夫游嘗謁宋中丞於吳  
興朱竹垞檢訕暨山言俠君諸子朝夕討論故所作  
壯而愈工

### 晏起

雨後天氣佳夢回失春曉起起復敲枕靜意入幽眈晞髮  
忘巾櫛修廊百迴遶婉變城西山弄晴呈窈窕隔江送青  
來一變一態好偃仰興孤往游泳愜懷抱有時命琴樽軒  
楹淨灑埽以此悅性靈永言謝煩燥

### 長句贈雲生卽送其北歸

劉子富才何嗇遇性甘淡薄心平恕興勃勃然從我游一  
載拘攣江上住二月三月春正好行歌被酒尋野趣高峯

寺裏澹公園桃花李花開幾樹子規多事忽弄聲叫得劉  
郎要歸去斷紈碎墨束巾箱敗毫剩橐纏無數蠶絲麥穗  
酒旗風如油滑滑江邨路禿尾驢子踏落英模糊山雨垂  
楊渡重來之約在秋暮記得叮嚀握手處

武勝關

天險豫疆盡魂消楚塞絕雄關閉閉鳥道守不用寸鐵崖懸  
壓雲沈樹蟠嵌壁裂日慘未蒙雲天黃正釀雪不雪游子  
便有雪老農悅石齒結冰嘶馬足瘡欲折荒坂野燒餘青  
煙亂起滅使我手足僵就之生炎熱

巴子店

灌木結陰繇苦竹遮徑惡冒衣刺馬足避路屢迴錯千峯  
怒忽回長坂坦如削返睇萬仞青搖搖勢將落自顧山水

懷平生不薊弱千秋揖古人一席卧廣漠放眼凌八荒騰  
足周五岳翩翩鴻鵠翔四顧何寥廓山癖與水淫天涯未  
寂寞

嘉魚縣

苦霧蒙孤城遙遙失兩岸狂飈撼地軸雪濤噴天漢萬浪  
夾一舟喜懼剛得半黑鴉唳上檣篙師詫神喚殺雞燔楮  
泉舞禱豈容漫天吳怒小霽浪外千鷺散山痕髮髮青帆  
影絲絲亂人生胡不歸定魄有餘歎

石鐘山

石鐘之山天骨異皺瘦透露凌崆峒上下屹立距百武爭  
雄長如齊楚邦嶽嶺竇俯疑探蛟窟嶄巖仰訝垂星杠搏人  
陰森萬奇鬼擦衣鉅利千鋒縱眩神已入諸葛壘緣身若

舞都盧橦遂壑有風撼地軸遙空一綫開天窗我來見形  
神欲王聆其聲也心應降函胡清越桃花汛噲咍鞞鞞秋  
風縱沙肥石涸不掩趾微餘細罅流淙淙韓公南岳蘇海  
市將循例請真愚燾萬石蒲牢於茲大奈何將以寸莛撞  
去路不能無餘戀小舫危纜牽橫缸千帆片片滿落照一  
盞焰焰燒明釭笥書快翻徧百卷儲酒急倒盡半缸酈元  
註古筆云雋眉山記好文無雙拏舟絕壁興可邇一梳殘  
月流空江

冒雪訪靈臬留飲話舊

過江訪名流長衢磴春雪犖雙屐鳴灑裘見飄撇蕪城  
記識君懷抱爲君竭淮陰復判袂離懷劇紛折日月忽不  
居三年憂懃懃魚素一再通慰寄亦更迭歲寒一寸心相

期無作輟我汎楚江來相思腸百結今日叩君門拜君謝  
久別隔牖竹風驚排簷冰溜咽圍爐話一鐙佳吐霏如屑  
桐城戴褐夫筆如劍砥鏑灑灑千萬言才大罔羈縛懷甯  
劉古塘五字妙綽約陶鎔漢魏間峻潔不蘂弱君常評兩  
君愛其態磅礴無意附時賢有眼到古作充其筆所至直  
欲無空闊鯁生抱痂癖枯吟窮鑿鑿摘辭乏精英冥搜滯  
糟粕自顧意不强足供人喁喁君獨謂不然試學二子學  
胡不讀離騷二百再咀嚼排纂入貼妥纖豔歸淡泊我初  
不予欺子無宿我諾

人生幾合併難可預期擬冀君主我人

謂孝水

懷友念鄉里

花晨及月夕有歎不容已予時勉慰之君歸日可俟君歸  
定念我與今念友似我安得好懷二友夢寐裏言之大笑



樂星霜速以駛我忽來江南對君念龔子龔君念二友此  
日增愁壘我將歸對龔語此還思爾君甯置二友相思復  
謀始山水自高長夢魂還尺咫人生幾合併天風蓬蓬耳  
李興祖字廣甯漢軍旗人歷官山東布政使有課愼堂  
詩集

旅店和沈繹堂先生壁間韻

十年常作客一宿似還家古道多垂柳荒村正落海岸侵  
谿水闊雲淡夕陽斜壁上詩堪和揮毫趁晚霞

丙寅春日判瑞田三過訪琅琊署

綠柳紅花逼禁煙解貂酤酒縱留連買山惟乞分司俸餉  
客還餘博士錢劇飲頓能消久渴深談猶是勝高眠流光  
莫聽輕拋擲旅次春風又一年

張霖字汝作號魯莽撫甯人貢生由主事歷官福建布政使有遂閒堂集

寄懷念藝弟

江上不宜秋秋容動深省南岸楓葉丹北岸荻花冷天空  
無碧雲雁字排高影舉頭送鴻雁目斷關山迴豈不羨奮  
飛同羣苦未整吳江接楚江愁思徒耿耿

晚望

萬家炊不止煙起半天橫海氣東來合雲林北望平風寒  
疑作雨月黑早關城小艇歸何急漁鐙一路明

劉廷璣字玉衡號在園漢軍旗人廕生歷官江西按察使降江南淮徐道有葛莊詩集

詩話在園詩有人評之曰此出入於香山劍南而未純者在園深體其言孔東塘長留集取在園詩爲之

冠

感懷

涼飈擊疏牖  
凍雨落空階  
悲秋秋已盡  
所感在冬懷  
人生無建立  
草木同塵埋  
進幾無所成  
曷若勇退佳  
臨期重躊躇  
未能便乞骸  
保身就散秩  
亦可免擠排  
撫景發長喟  
本性不欲乖  
黠檢舊竹杖  
整理新芒鞋  
願言結一廬  
白頭傍清淮

奉化道中柬施明府

百里孤城晚秋風  
上野航溪聲爭亂石  
山色變殘陽宿鳥  
全依樹農夫半在場  
使君清且簡茅屋慶倉箱

夏日漫成

不似在官衙蕭然野老家  
閉門三徑竹隱几一瓶花  
有月

池先覺非風柳已斜圖書千萬卷原是舊生涯  
那能無事事事畢卻心閒欲試新沈水常燒小博山簾垂  
窗四面榻下屋三間差勝炎炎裏車塵日往還

秋郊有感

數載重經此地過荒林不復聽樵歌滿山落日行人少一  
路新墳戰骨多彫敝那堪頻水旱轉輸況未息兵戈書生  
空灑西風淚靜掩柴門可奈何

西山卽景

歷盡平原到石門盤旋萬疊一峯尊日臨大漠煙光淡雪  
壓渾河水氣昏野寺無名惟見佛空山有路漸知村老人  
爲說前朝事翁仲敲斜舊墓存

水村卽景

睡去斜陽在露臺醒時明月滿湖隈清光忽向雲中沒涼  
氣初從水上來小艇飛聲知笛近閒鷗結伴傍蘆回夜深  
漁火臨流亂簫笠風前酒一杯

署樓寓目

長林修竹晚蕭蕭徙倚欄杆縱目遙落日遠銜雙塔頂白  
雲橫截半山腰人盤疊嶂開樵徑江鎖浮船作渡橋秋色  
連天看不盡閒來收拾付詩瓢

會稽道上

高城煙鎖萬峯低遠接江東近海西禹穴衣冠秋草白宋  
陵風雨夜烏嘯依然民俗存於越無數山村屬會稽來不  
加多去不少九州到處客羈棲

九日登松臺山卽事

斗樣城懸大海涯，憑欄雙眼接煙霞。  
人家已綠千頭橘，僧院纔黃數點花。  
水闊無聲潮北上，峯迴有影日西斜。  
旌旗獵獵防秋早，風起樓船鼓一撾。

過顯佑祠口占

柳曳長隄水漱沙，尋春春入梵王家。  
清江三日重來晚，落盡櫻桃兩樹花。

何林字雲壑宛平人，歷官兩淮鹽運使，有《彌年集》。

感舊

襄陽大隄水，出自漢中來。  
上經麋子國，下達沔陽隈。  
合流爲江漢，晴川在其涯。  
大隄女兒全勝花，中間合杳萬人家。  
我年少壯曾來此，喪亂經過空歎嗟。  
復聞江漢紀南荒，昭邱弓劍徒埋藏。  
楚王宮內纖腰女，景屈公家多國良。  
只今

彌望東流水莫爲江魚厭武昌

歲晚漫作

索居五度雪來時一片羈愁祇獨知歲暮卻同人易老花  
飛常與客俱遲長安曙景疑先到十載風光晦欲追零落  
棲遲空被酒緩歌長短不勝悲

陳廷弼字荀少澤州人貢生歷官廣東糧驛道有王屋

山莊詩鈔

羚羊峽歌

羚羊之峽何龍從根盤厚地凌高穹不知誰奮巨靈手擘  
成萬朵青芙蓉丹峯回合翠巖錯曖然日月懸洪濛中穿  
一道東江水左旋右折開重重牂牁西下萬餘里濤風沫  
雪馳游龍驚波乍抑急湍駛沙崩石觸聲淅淅擎舟入谷

若行盡陰深疑與焦源通山迴棹轉更幽絕置身恍在潛  
蚪宮豁然長嘯空谷應音流哀壑生天風啾啾山鬼叫崖  
館峽猿相答幽篁叢文魚騰躍老蛟起橫吹靈雨迷青楓  
客行過此迴淒沮腰篙背笮行恹恹我將返楫問炎海浩  
乎一赴歸墟中

寄懷六兄漢陽

長安共被一鎧涼忽漫行踪各渺茫書到方知留夏口冬  
來猶未到鄖陽分攜南朔雲千里飄泊江湖淚幾行無限  
離愁誰共語渚煙汀火隔瀟湘

魏荔彤字賡虞號念亭一字淡庵柏鄉人歷官江南常  
鎮道有懷舫集

述懷



白月挂屋角霜風落晚圓  
索居愧無營行吟玩歲暮哀  
笛發清商空堂寒欲雨蕭蕭  
四壁來秋聲在簷樹彭殤理  
齊觀百年總朝露行樂及芳  
時丹砂古貽誤

題沈歸愚萬峯獨立圖

峯峯卓立斷躋攀  
筇屐逍遙鳥道間  
試問此翁登眺後  
何人更上萬重山

仇昌祚字振先號漪園曲沃人貢生  
歷官廣東惠潮兵備道

訪山居者

不識山陰路沙明引到門  
春來分菊友雨過長篁孫  
卜築人間遠開樽古道存  
紅塵殊擾擾一爲憇桃源

李鍾麟字玉書號筠巢武定人  
歷官江南廬鳳道副使

有筠巢詩集

詩話筠巢文襄子以任子入官中歲告歸僑寓金陵有園林花木之勝

七月七日雨中種竹樹

洞庭秋雨來涼氣生枕席東城官舍中頗似野人宅鋤雲  
藝竹樹一徑十餘尺樹帶君山青竹分湘水碧稍免抱甕  
勞華滋借天澤人間瓜果會陳乞終何益巧宦吾未能空  
齋卧良夕

漁村夕照

滿村秋水浸苔磯落日清江動竹扉一曲高歌漁父醉歸  
來曬網趁斜暉

王煥字子千號盤麓又號紫詮寶坻人諸生歷官浙江  
溫處道有憶雪樓詩

送朱竹垞還秀水

四載青門別南來慰夢思如何相見日卽是送行時春樹  
詩重詠旗亭酒莫持五湖煙月好終擬共心期

張雲翼字鵬扶一字又南咸甯籍洋縣人廕生襲一等

侯官至福建提督有式古堂集

王山史曰樊川張又南自爲諸生時有天下爲任之  
志擢辭敷藻皆成鉅麗用情忠厚託意遙深頻陽李  
子德太史今之少陵也與先生以斯道相  
切劘而予亦時往來韋杜之間就正所學  
詩話又南爲張襄壯勇長子其村居詩曰自我下  
時蘭膏供藻斧誓奪盧顰標欲題司馬柱出門更出  
邊戎衣事辛苦祕封飛萬里孤懷濟君父一朝脫紫  
塞京邑瞻譙櫓早襄達北關露布宣西土夙入觀龍  
顏夕歸縹緲簪組九遷歷清卿十載居政府又京寺祿  
懷其一日皇王嘉藎忠錫以通侯壁檢局陟太府祿  
受二千石其二曰考牧佩蒼玉其三曰秩宗典三禮  
其四曰法冠臨棘署其五曰備員侍講席自述蹤迹  
綦詳迨襄壯病詔令歸省後遂提督八閩康熙辛未  
入覲宛平京口兩相國李尙書天馥鄭侍郎重爲之

序詩才典贈

卓然可傳

### 登華岳

職方紀豫鎮配位雄西秦我來問真源乃當白帝辰婆娑  
入霧市五里排山闔仙坪響澗溜古木蟠輪囷漸轉窮車  
箱四合橫嶙峋高峯當面起戔戔凌秋旻飛瀑落銀河搖  
曳垂天紳直須陟層巔立此萬仞身

懸磴穿幽峽石罅天光渺危嶼復千尺鐵綯援雲表斷巖  
駕飛梁翛然出窈窕丹樓度紫霄一覽渭川小振衣嵐翠  
落躡足青霞繞峻岫愁行猿峭壁絕高鳥言登白雲峯憩  
坐萬松杪洞口吹桃花深秋疑春曉

高崖懸日月鉤梯通別嶂峻嶺引蒼龍雲雨時飛颺誰攬  
此蜿蜒直掛青霄上玉女接明星落黛寒相盪浣手洗頭

盆還扶九節杖載陟靈掌尖博臺屹相向叔卿駕白鹿漢  
武先惆悵玉簡浮金液今古閱靈貺

落雁凌松檜呼吸自通天昔拜蓬萊下今踞芙蓉巔是時  
秋方中爽氣何澄鮮明月升足底坐久素光圓玉露瀉杯  
畢松濤叶管絃酒母騎茅狗爲我呼子先飲餘不遽卧東  
看滄海煙金縷擁陽烏躍出羲和鞭

曉霞出玉井落翠浮星潭不須駕鐵舟淪迤自泓涵黃冠  
汲之飲茗盃何情酣頓覺塵機息渾欲抽纓簪踏石捫蘿  
薜于焉窮幽探蓮花秀峯色攢碧上蔚藍俯看黃河流雲  
霧相吞含空濛識萬象浩氣鬱層嵐

寒崖吹古雪晴壑暄新霽須臾峽底雲蒸蒸復上袂俯聞  
空谷雷飛雨灑蘿薜崔巍萬仞巔紅輪自明麗陰陽備四

時元化運五際乃知山中厯一日千歲計長年懷赤松未  
許辭聖世出山揖三峯幽思尙凌厲

曉春南苑應制

別殿春晴淑氣歸曉鐘雙闕啟金扉彤雲送暝垂青瑣白  
日凌寒轉翠微弱柳偏隨仙仗發疏梅久戀上林輝應知  
聖澤深南畝更喜年芳入帝畿

嚴灘

漫整荷衣拜逸民灘聲猶自動星辰富春近日誰漁父天  
子當年有故人名到先生纔是隱賢如光武不稱臣只因  
曾作梅家壻外氏家風愛隱淪

馬三奇號乾庵漢軍旗人襲封一等侯官潮州總兵

送孫古墜歸里

折柳韓江曲悠然望去航山川歸宦囊風雨入詩囊尙有  
梅花約甯忘荔子香鴛湖歸卧後書札幸相將

洪斌字簡民號方崖閩縣人官參將有鹿溪草  
游補陀

候潮占月上發棹報風西地險春濤壯天陰海色低逍遙  
空野馬踟躕笑醯醢此意同人共風流續虎溪

管榆字青村武進人厯官師宗知州有據梧詩集

詩話青村嘗宰江西餘干貴州普安諸邑詩自都官  
入清迥森秀絕非凡響特以順康間名大家林立青  
村交游又未廣故名字不甚顯集分六子目錄愚僅  
見吹萬一集錄其詩入別裁書名曰拾正與選鍾廣  
漢詩而顛倒其名曰映淵選周青士詩而名缺  
下二筆爲笥誤乃相同校書如掃落葉信然

匡廬歌

平明迎日上廬嶽春山滌翠清如濯攀蘿直上三萬級側

身蟠走如飛鶴雲粼粼花冥冥劃然巨靈劈千丈瀉出萬  
派洪濤聲耳目蕩漾不能主恍若坐我於滄瀛滄瀛風雨  
不可測中有一人不相識手持銀管跨紫鳳授以琳琅五  
彩筆回頭笑指游空濛導余絳節雙玉童呼吸帝坐隨清  
風俯視一一金芙蓉白雲如緜滿空谷乘此欲與天庭通  
把酒酌煙霞素懷託明月明月與時滿煙霞無時歇拍肩  
笑問洪先生口吹玉笛銀河傾山中木葉蕭蕭響下界疑  
爲鸞鳳鳴曄曄授蕭史共飲白玉醴長觥傾倒慎莫辭醉  
眠石上呼不起白猿蒼鳥莫相猜前五百年曾住此

章門送友

寒潮漠漠雨疏疏被酒江樓晚景初別館敲詩離緒遠秋  
帆落處是匡廬



霜落寒江次第痕  
天空黃葉滿江村  
西風歸雁征人遠  
夜送輕帆過白門

九月十三日饒州寓齋夜坐

切切哀蛩共寓齋  
麗譙風順肅平街  
捲簾始覺露華冷  
滅燭方知月色佳  
城曲風颿依樹落  
潮通魚箔帶沙排  
眼前一事堪詩料  
榴火當秋尙滿階

辛未元夜訪北蘭澹公用宛陵和景彝閏臘省宿韻  
雲淨空縉轉玉繩  
禪扉夜叩墮簷冰  
春江漁火看無數  
明月青山到幾層  
遠岸兒童喧小市  
隔街荒廟鬪綢燈  
章江客舍逢元夕  
踏凍城南訪老僧

冬夜寄懷錢亮工

江皋朔風起天末  
落葉街南積盈尺  
此時客子正卧寒村

頭沾酒相邀歡持杯欲飲不遽飲翦燭西窗有餘影憶昔  
五年來南州望遠日日登危樓雙峯翠角最清絕遠岫綰  
髻湖光流江山亂後還姣好碑碣仆地青苔浮因思長卿  
不可作祇有懷古城南頭白雲朝來暮還宿此間幽隱真  
滄洲清音堂高下臨渚水聲颯颯鳴寒杵齋頭千尺琅玕  
鳴樹杪十丈蛟蚪舞羈客興酣每快意詩成落筆走風雨  
夜半江城聞雁聲寄書今夜由南浦

雨中過碧山堂留飲張允文寓齋

清齋向晚送新涼喜弄鞭絲到草堂壓雨戎葵紛落砌遮  
雲宮柳欲過牆重懸簾幙濃如水旋設樽罍靜自香入夏  
相過應不厭拂天喬木有干章

愛爾依山草閣虛南軒北牖晚涼初盡除屏障東平室閒

長蓬蒿仲蔚居絲雨溼花輕落地好風入幕暗翻書堂開  
最有平泉思早退令人歎二疏

堂爲王峯  
相公別墅

### 舟行值雨

前山槎枒如轉磨後山偃蹇還伏卧須臾四山雲氣生雲  
陰全仗天公作去聲蕭蕭入水紋漸多颯颯打篷聲愈大蜻  
蜓舟中小於葉縮腳攣腰但跛坐陳言一編猶在手吟聲  
欲與灘聲和冷煙積竈炊蕪菁兀兀枯篷忍昏餓流螢草  
際知幾點嘖鵲峽中剛一箇丈夫遭遇不可料好景良時  
何悶過倒迴江水洗寒雲張帆笑指青天破

### 荒齋

荒齋十笏地獨踞萬峯首重簾留煙雲一榻在郊藪日長  
尤勝年城小真似斗官舍接田家相熟到雞狗高枕看閒

雲結夏作禪友殷勤來青山窈窕當戶牖嵌空鋪翠鈿著  
色雜粉黝崇朝倏然化慘澹繪妍醜雨晴風露間變化隨  
所有誰施屏幃工此真白描手

山中多夜雨滴瀝鳴空庭曉來矯首看四山暈螺青愛我  
菜甲長小摘餘芳馨蔬食快得飽陶然坐雲屏溪聲到枕  
上颯颯松風聽大小兩龍窟足底千雷霆一瀉萬頃空快  
哉如建瓴

牆東有隙地荆菅瓦礫積俯首荷耰鋤得此五弓闢南鄰  
有麗春紛紛間朱白乞分五色種翦縷比紈帛初日照殷  
紅殘霞映浮碧閒時列酒茗坐卧兼枕席遂可忘窮年豈  
止破蕭摵三更持燭游早起獨吟惜今年姑小試紛然滿  
籬格來春擴西偏爛漫補牆缺回想今春花吟詩又陳迹

馬庸德字汝行桐城人官晉甯知州有石門山房集

得張平叔書

常從天外望歸鴻縹緲雲山路忽通殷浩答函無一字  
淳于致鵠只空籠豈嫌蘿薜長貧賤但恐風塵共始終莫向  
少君問偕隱白楊荒隴起悲風

宿棲雲閣

夙聞蒼山好今卧蒼山雲蒼山十九峯峯峯鬱氤氲客子  
見山色山意如相親況向山中宿溼翠披紛紛薄暮日將  
落霞起珊瑚殷二更挂海月清光望無垠夜深方假寐石  
壁天雞聞扶桑倏倒影小閣浮金輪偶作名山游忽與下  
界分願得十日住洗此千斛塵結念在邱壑企慕匪仙真  
會當謝人事相從猿鶴羣

古意

所親在四方飄萍無定處非不數寄書游子渺難遇歲晚多疾風黃葉落枯樹望遠無人歸烏鵲故相誤

彭蠡字秋水號鈍叟溧陽人官雲南新興知州有放餘吟

虔州

去年寒食五羊山今日春分章貢閒儘有漁樵陪杖履不勞車馬出江關經過村落先謀酒逢著鶯花便解顏聞說浮春池館盡荒煙瘦石水潺潺

周朱耒字象益號潛叔秀水籍吳江人官雲南知州有

童初堂集

詩話潛叔爲竹垞外孫幼孤育於朱氏冒其姓補秀水諸生客陳午亭相國家以工箋奏知名因薦予官

未至滇而卒詩  
亦有外家風氣

聞鷓鴣

合江亭畔雨霏微  
石鼓山前水漸肥  
蠻鳥自知行不得  
何因故故向南飛

萬言字貞一號管村鄞縣人副貢官五河知縣有管村集

詩話管村少以古文名從諸父在講社中梨洲亟稱之徵入明史館輯崇禎長編出宰五河忤大使構罪狀僅乃得免詩非專門然自有魄力

初秋偕陳康侯宋叔邃黃俞邵閻百詩夏宛來沈融

谷蔣波臣胡次巖趙浮山集趙天羽園分得灰字

止酒連三月因公始舉杯詩嚴金谷罰客半聖湖來六典

蒐方乘千秋話劫灰明鑑羅樹杪疑泛漢槎回

王汝驤字雲衢一字耘渠金壇人貢生官通江知縣有

牆東草堂集

詩話雲衢工制藝久困場屋而時重其文沈歸愚聞其詩爲文名所掩

雞頭關

征馬鳴蕭蕭澗水流潺潺水鳴何鳴咽馬鳴多哀酸借問客何之言上雞頭關關門開一綫羊腸裊青天上千仞壁下有百丈淵驚風吹落石洪流盪奔湍危途無返轡微生寄征鞍靡靡遵木末遙遙造雲端故鄉杳何許天路安可攀側聽隴頭吟感我涕洟瀾

邵錫榮字景桓號二峯仁和人貢生官安義知縣有二

峯集

宋牧仲曰二峯學有淵源又得湖山之助其詩豪邁宕逸要能悟其胸臆所欲吐視世齷齪規撫唐宋者



過之

靈隱寺

靈鷲何年寺蓮花溼翠重泉飛一澗雨濤落萬株松妙法  
禪中悟高僧月下逢石橋歸去路又聽隔林鐘

佟世思字儼若一字葭沚又字退庵漢軍旗人官思恩  
知縣有與梅堂集

新柳行

烽煙漠漠昏芳甸千條新柳當春見遙憶高樓萬里人曉  
來坐聽嬌鶯囀高樓南望已沾巾妾夢還傷塞北春去年  
此日相思樹今日今年腸斷人別來不覺春光蚤春光減  
盡朱顏老妝臺明鏡倚春雲陌上雕鞍映青草可惜青青  
掩畫樓狂夫何事覓封侯開簾怕見楊花落化作浮萍逐

水流

大庾嶺

萬折河山四望開  
蕭蕭行李獨登臺  
雨餘雲淨千峯出  
日暮天高一雁來  
炎塞不傳江上使  
瘴煙遙散海南雷  
夜深應有羅浮夢  
嶺路仙人舊種梅

沙澗

翠微橫接暮煙生  
人向疏林落照行  
土壁繁花鳴絡緯  
野田流水立鵲鵲  
石根朱實垂垂見  
馬首青山面面迎  
何處更尋南下路  
隔溪嘯鳥送歸程

王典字備五號慎齋錢塘人諸生官杞縣知縣有敬義堂詩集

立秋

秋雖不自言舉世曉其至今當與秋期風日宜有異不可拘往時引人以愁意聊看一葉飛我亦自能醉

無題

我意所不可誰能復向人困窮猶有膽感激豈無身愚欲爭今古狂將怒鬼神何時上廣武獨立望秋旻

張柚雲字子錫磁州人貢生官始興知縣

江干野望

磯頭閒注目秋水碧盈盈龍卧寒潭寂虹飛斷岸明菱歌驚鷺起塔影印波清何處芙蓉發幽香撲袖生

李文秀字奎瞻易州人貢生官如皋知縣有楚吳偶吟除夕雉皋署齋對酒作

青陽布惠澤萬物咸昭蘇足信天地心未定榮與枯嗟予

宰劇邑三歲頗勤劬戴星急公程飲水志不渝雖無赫赫  
功父老則已孚燕薊北鄙人賦性原拙愚幸得道罪戾寒  
梅照冰壺冉冉星紀流茲歲又告除逋債苦煎迫家人相  
嗟吁解顏慰童孺何用此區區枉道不可爲前賢有令模  
不見沍寒盡春風吹衣裾

孫芝蔚字豹文號淡廬磁州人官姚安通判

散步

著屐攜筇踏淺沙西峯遙望鎖殘霞春傷舊日頻游地酒  
問前宵半醉家溪上長吟悲往事林間無語妒歸鴉年來  
衣逐緇塵化欲結方袍禮釋迦

趙執端字好問號緩庵益都人官汶上教諭有寶菡堂  
遺詩

讀仲韜東臯集漫題

束髮慕通達，咄嗟二十年。五穀不能分，安知衣食端？瓠葉  
興，槐花所遇良。迺遭舊業浸，以荒五畝成。石田賢哉北郭  
生，邱壑甘棲盤。戴笠狎風雨，負耒乘雲煙。犯曉腰鎌出，斜  
陽飲犢還。輟耕古原上，長吟秋樹前。新詩亦已清，歲功良  
足觀。顧我無所成，壯志徒頽然。願爲沮與溺，耦耕南畝間。

奉寄秋谷兄山居

聞說幽棲處，全家住翠微。偶同流水出，閒伴倦雲歸。旣喜  
清心跡，還堪遠是非。相從空夙約，心事歎多違。

陶孚尹字誕仙江陰人貢生官桐城教諭有欣然堂集  
早春閒興

東風送雨過城闌，蠟屐尋芳踏軟塵。橋畔杏花村店酒，水

邊紅袖畫樓人烏衣寬壘頻穿幙百舌爭枝巧弄春輸與  
少年行樂處銀鞍驟馬碧油輪

華山上沙里訪徐昭法先生隱居

華山幽絕處高士此巖居銅狄增新恨金陀感舊書三湘  
吟思迴九畹墨痕疏先生工畫蘭墨蹟爲當代珍寶造訪空車騎孤標邈  
不如湯潛庵中丞嘗訪先生山中深避不見

曹峨嵋寓齋再餞賦別

南曹端愛我時都門十子俱以詩名峨嵋於中稱南曹樽酒更相期宦況秋蟬  
翼離情春繭絲星河雙闕迴鱗雁故鄉遲別去還多感河

梁日暮時

皖城大觀樓

高樓直上斗牛邊形勝猶思創建年檻外雲山三楚近樽

前煙樹九江連遙岑採藥尋丹竈幕府題詩索彩箋登眺  
恰當清晏日羽衣吹笛夕陽天

輓冒巢民先生

太息斯人竟蓋棺廣陵愁絕更誰彈樓成白玉修文易牀  
盡黃金任俠難先生饒於資以結客故水繪園亭煙雨沒  
鹿門妻子杖藜單雉皋風景重回首落日寒冰想像看

游龍眠山

鼓勇竟一上直造礪玉峽朵朵青芙蓉突兀勢如削竹柏  
相掩映松巖迎人狎漸聞琴筑聲谷簾走飛瀑野泉百道  
流寶網同散落再涉黃蘗嶺青冥互千尺東踰石門冲眼  
界極寥廓衆山悉朝會元氣此迴薄蜿蜒眠蛟龍佳名匪  
意作且止勞徒旅從容恣予樂

馬源字伯逢桐城人貢生官鳳陽教諭有菱塘詩鈔

詩話伯逢少孤奉母母歿時年六十矣廬墓號泣哀感行路詩恬淡如其爲人

歸興

詹尹無勞爲卜居頭銜我自有新除  
棊州或可推中正麴部兼應領尙書  
春雨一犁耕代祿秋山雙屨步當車  
朋游儻獲驚人句更覺封侯快不如

王建衡字起莘威縣人貢生官昌黎教諭有任庵詩集  
赴沛不果

捆載詩書上小舟今春準擬作東游  
帆開汶水移花岸路入梁山問酒樓  
到日定知幽興滿新篇還與故人酬  
無端荒歉因循甚潦倒行裝又過秋

寄宋柱石



三年涉上悲秋客別後詩情近若何  
花岸不辭行處遠柳風偏愛醉來多  
也應高唱隨鴛鴦未許長吟到薜蘿  
聖代卽今需獻納好將詞賦奏鸞坡

曹耀珩字鳴佩號暢庵益陽人拔貢官甯遠教諭有聽  
濤園集

放舟夜歸

霞散澄江綺風微浪不生前山銜落照遠水浸孤城  
客意偏宜晚漁舟信是輕誰家茅屋近隱隱讀書聲

舒芝生字瑤草孝感人副貢官麻陽教諭有十洲偶集  
同王小資尋秋靈谷

一杖經行處雲峯盡日間小橋傍竹塢敲石亂松關  
月色偏宜水秋光常在山黃花新釀熟相共白衣還

張橋恆字子久磁州人貢生官延津教諭有積力齋百詠

和檀度寺僧元韻

臨淮名勝地偶此駐行驂帆影沿江市鐘聲近水庵紅塵銷短鬢白業淨秋潭喧寂雖殊況清言許共探

劉獻字子賢號八夫磁州人貢生官泌陽訓導

文殊臺觀瀑布

五老峯巔匹練裁飛騰百丈自天來波翻潭底千岩動影落松頭萬仞開異彩挾風同掣電潮音噴雪似轟雷歸時欲做大癡筆圖向蕭齋作溯洄

陸進字蓋思仁和人貢生官溫州訓導有巢青閣集

同孫字台毛稚黃林玉達吳山晚眺懷三仲昭秦中

憑眺吳山第一峯故人相對倚孤筇寒雲漠漠連荒戍落  
照遲遲挂碧松秋葉半林歸鳥雀暮潮千疊隱蛟龍登樓  
何處哀王粲極目秦關路幾重

送惠印可之燕

欲遂馳驅志先從薊北游馬蹏經大野劍氣動高秋河嶽  
浮雲淡關山落日愁建安才自美王粲漫依劉

李天任字子將號一峯新化人貢生官辰谿訓導有弗

過居近橐

詩話子將工詩畫善鼓琴辰谿自免歸築弗過居環  
廬植梅竹數百本屈曲爲几榻坐卧其上彈琴賦詩  
年九十餘始卒

晚晴

驟雨浩然去空山晚作晴斜光平野溼返照半溪明鷺度

無雲嶺煙生欲暮城此中饒究竟天意豈逢迎

舟別邵陵

奔競有何益輕舟別邵陵春驚兩岸老夢入五更清雨過  
天如浴潮平石不鳴孰云垂釣叟徒是羨魚情

賞晴

不困連宵雨安知好在晴山雲歸遠岫海日上孤城鳥弄  
松多色花飛地有聲溪前垂釣者一棹盪空明

萬崇義字宜也太和人貢生官嶺我訓導

冬日月滿樓晚眺

逸興凌霜氣凭虛屬望低樹凋村屋出沙白渡橋迷暝色  
來金島寒聲落玉溪丹梯雖可陟暮景慎攀躋

鍾元鉉字士雅安遠人官安仁訓導有石湖草堂詩集

青玉軒植梧偶活志喜

半尺梧桐當春徙樓裏細芽封泥滓不憚遠來乖土宜孤  
幹橫肩八十里薤根一月未見生心焉驚疑怪已矣瞥然  
一見二寸芽參差嫩綠風吹起根氣欲充枝欲長亭亭獨  
立無所倚穠豔灼灼移人情所以看花羨桃李我性冷淡  
宜耽幽偏于梧桐有獨喜結子不與凡木同點綴葉次珠  
累累豈在一葉識秋心直幹疏枝無委靡

楊自牧字謙六號預齋昌平人官華亭縣丞有潛籟軒  
藁

鄧孝威曰謙六詩英剗無  
凡近語得邊塞之氣居多

暮秋游响响崖

萬壑隱孤秀峯頭羽士家懸流疑賸雨落葉亂殘霞閣峻

秋陰伏山空暮景斜何人自西嶽移種石蓮花  
晚坐空山寂樓危怯獨依青林寒佛火白月淨巖扉細把  
藤花酒重添薜荔衣三更扶杖去高詠謝元暉

途中重九

馬上過重陽征途景易傷野雲千里白秋草一川黃作賦  
悲游子登高望故鄉遙知三徑菊空自抱幽芳

秋夜思家

故園歸計惜蹉跎殘暑初消白露過清角孤城知夜寂寒  
蛩四壁覺秋多愁中短夢悲難就客裏流光奈促何卧起  
張鐙還獨坐空將九辨數吟哦

張之澄字淮南韓城人官麗水縣丞有後森園詩

蒼松吟爲縉雲學博家邇可大兄作

蔓草不獨立蒼松無倚附挺生山之陰蟠結堅以固亭亭  
拂層雲湛湛浥零露孤勁耐霜寒淒清越朝暮蔭可大千  
尺材真廟廊具上邀鶴鶴集下委鹿豕聚偃仰風塵中百  
年託貞素非不甘棟梁良師鮮所遇勿以老煙霞無如識  
者顧但恐摧作薪竟爲採伐誤

卓爾堪字子立一字子任漢軍旗人有近青堂詩集

沈歸愚曰子任系靖難忠臣諱敬之後代傳清白壯  
歲南征閩逆爲右軍前鋒又嘗轉勝國逸民詩成集  
文武並嫻建  
近爭高其行

甯羌將軍行贈高枝升

將軍淮南人虎竹分西秦西秦一路通巴蜀棧口孤城山  
四鄰五丁鑿開渾沌氣一夫當關萬夫畏巖疆八載靖烽  
煙驚防何煩教擊刺春深幕府日投壺草白城南出輕騎

將軍行樂秋打圍超山紫燕疾于飛彎弓射殺兩騰虎父  
老轅門拜繡旗割鮮饗士呼行酒并州健兒請擊缶歌罷  
筵前起舞刀紛紛雪花應兩手停歌止舞月照營後幃秦  
女彈銀箏弦繁柱促聲淒清無端彈出關山調颯颯俱作  
斷腸聲斷腸聲客心驚我有高堂白髮生富貴視如鴻毛  
輕將軍長揖軍吏哭萬里歸家駕黃犢環門柳樹未盡禿  
宅傍新築梅花屋梅花江南開不遲雪中釀酒雙介眉梅  
花吹落斑衣上還憶軍中聞笛時

王喬墓

何年封馬鬣衰草野煙寒杳渺雙鳬舄荒唐一玉棺仙人  
甯有死塵世漫同觀不信徵毛女冲霄長羽翰

紅山觀獵



古道停鞭看打圍  
征袍乍暖炙斜暉  
鸞弧紫燕追風去  
搜兔蒼鷹貼草飛  
野地割鮮爭飲血  
村墟沽酒更烹肥  
各誇身手多輕捷  
誰向南山射虎歸

同余鴻客周雪客朱林修蔡芝泉鉉升過龔半千半畝園看花有感

綠樹鶯啼半畝園  
城中廬舍類荒村  
一闌花氣還熏客  
無處山光不到門  
酒力尙堪消白晝  
笛聲切莫傍黃昏  
西州曾墜羊曇淚  
虎踞關前更斷魂

源口

旌旗源口出萬馬  
度沙頭山月開昏路  
烽煙警素秋  
前林圍已破  
斷壑血能流  
何日銷征伐  
春原看牧牛

孔毓埏字宏興曲阜人龔五經博士有遠秀堂集

錢春

綠慘紅愁不自持，慙慙又是送春時。  
韶光老去鶯無語，別緒添來鬢有絲。  
榆莢雨殘人事改，楝花風盡鳥聲移。  
期定在三冬後日，望寒梅幾樹枝。

曾衍櫛字喬麓嘉祥人襲五經博士有近聖居集

贈答王定侯陳振常

握手窗前問索居，故人相憶意何如。  
春園昨夜櫻桃熟，蓬戶今朝徑草除。  
渺渺雲山當檻出，紛紛車馬過門疏。  
佳篇壁上重吟誦，臭味深投一起予。

仲承述字鱗舟濟甯人襲五經博士有陪尾山人集

晚游沙洲寺

古寺蕭然近翠微，尋幽日暮叩禪扉。  
閒雲似欲分僧坐，夕

露無端蘸客衣四壁琉璃融慧性一函貝葉發清機適從  
會得空中意悔逐紅塵事事非

孟貞仁鄒縣人襲五經博士

幸魯恭紀

鵲鵲鸞旂賁魯疆杏壇冬日轉曦陽唐槐陰下千官列漢  
柏林邊六馭翔考擊鐘鋪陳古樂昭回雲漢發天章藝牆  
後聖親先聖一體君師道脈長

東野沛然曲阜人官五經博士

詩話東野氏爲元聖裔初但置奉祀生景陵幸魯  
沛然具疏籲恩召對行在命給祀田葺廟宇並授五  
經博士東野氏有  
博士自沛然始

幸魯恭紀

翠羽東巡過岱宗迴鑾特幸伯禽封金絲再奏新韶獲詩

禮重開古辟雕齒及元公隆典禮恩加下士慶遭逢君師  
一德千秋合載筆廣颺愧莫從

傅仲辰字蒼野一字心孺浙江山陰人有心孺詩鈔

詩話心孺嘗官山左集中在山觀海紫蒲諸子目皆在山左時詩官蓋簿尉之屬詩中未質言章大來對山序亦但謂官如長江主簿茫茫人海陸沈不怨懶軒續錄補採其詩稱為山陰諸生其時已不可考矣

晏起

晴光側側覆重池牢落天涯起獨遲家在夢中無別日愁  
添鬢裏幾歸時藥爐香遠誰攜酒柳巷春深自詠詩辜負  
吾廬三徑好落花人靜雨絲絲時都下憂旱

晚晴籀詩匯卷五十終